

23

DE  
FEBRE QVARTANA  
INTERMITTENTE

---

DISSERTATIONEM INAUGVRALEM

SVB PRAESIDIO

VIRI ILLVSTRIS ET EXPERIENTISSIMI

ALBERTI HALLERI

PHIL. ET MED. DOCTORIS

SERENISS. AC POTENTISS. REGIS M. B. ARCHIATRI

ANAT. CHIRVRG. ET BOTAN. P. P. O.

SOCIETATIBVS REGIAE LONDINENSIS ET SVECICAE ADSCRIPTI.

AD DIEM XVI. SEPTEMBR. CID MDCC XL.

PVBLICE DEFENDET

GEORGIVS GOTTHELF BIELCKE

IENENSIS.



G O T T I N G A E

APVD A. VANDENHOECK, ACAD. TYPOGR.



Digitized by the Internet Archive  
in 2019 with funding from  
Wellcome Library

<https://archive.org/details/b30780500>

*AL MOLT' ILLVSTRE ED ECCELLENTISSIMO*

*SIGNORE SIGNORE E PADRE*

*MIO COLENDISSIMO*

*IL SIGNOR*

**GIOVANNI FELICE  
BIELCKE**

*BORGOMAESTRO DELLA CITTA DI GIENA*

*E BIBLIOTECARIO DI S. A. S.*

*IL SIGNOR DUCA*

*D' ISENACO*



MOLT' ILLVSTRE ED ECCELLENTISSIMO

SIGNORE SIGNORE E PADRE

MIO COLENDISSIMO.

*Se mai s'è offerta un' occasione com-  
moda di darLe un saggio pubblico  
della mia inviolabile osservanza fi-  
liale, questa è appunto, che mi for-  
nisce la presente disputazione inau-*



gurale, che Le consagro con tutta la  
divozione convenevole ad un cuore,  
che l'ama senza finzione. L'amore  
suo veramente paterno, l'esortazioni  
uscite dalla tenerezza del suo petto a  
mio favore, la cura instancabile  
per tutta la sua prole, e più in par-  
ticulare quella, colla quale ha veg-  
ghiato al mio avanzamento nella pie-  
tà, negli studi, ed in tutto quello,  
che poteva contribuire alla mia salu-  
te spirituale e temporale, meritereb-  
bero un Panegirico che ne la debolez-  
za della mia penna, nè la piccilezza  
dello spazio, mi permettono di farle,  
e del quale il suo animo tutto consa-  
grato all'umiltà degna della perfe-  
zione



zione Cristiana mi dispensa più, che non mi ci oblige. Sono dunque persuaso, che resterà appagata della mia divotissima riconoscenza, e ch' aggradirà, che l' assicuri con suisecretezza della grata memoria di tutti i benefici goduti fin dalla mia tenerissima fanciullezza, per mezzo della sua graziosa protezione, protestando-  
La in oltre santissimamente, che nè il successo del tempo, nè la mia nuova dignità, nè altre mutazioni del mio stato non potranno mai scancellare dal mio animo la gratitudine scolpita a caratteri indelebili, imperocchè dopo Iddio Lei sola, per le sue saggie istruzioni, e quelle fattemi  
dare



*dare da tali, scelti per la sua particolar prudenza a questo fine, per Maestri de miei studi e quello, a cui devo e confesso ogni mia felicità, e senza cui non sarei mai pervenuto ad un tanto grado in cui potrò condegamente servire il mio prossimo nell'Arte Medica. Io mi prometto il suo benignissimo aggradimento, e dal canto mio non cesserò mai d'essere con tutto rispetto dovuto Le*

DI V. S. MOLT' ILLUSTRE ED ECCELLENTISSIMA

VMILISSIMO, VBEDIENTISSIMO ED  
OBLIGATISSIMO SERVITORE

Goettinga ai 15 di Settembre  
1740.

GIORGIO GOTTHELF BIELCKE



# CANDIDATO CLARISSIMO.

S.

P R A E S E S.

**D**issertationem, quam iunctim defendimus, Tibi remitto intactam, Vir doctissime. Opportunius visum est, si eruditio Tua profectusque in arte salutari se commendarent ipsi, quam si meis cogitatis tuas turbarem hypotheses, & necessitate aliqua non evitabili discors tractatio, & incerta, & suspensa, prodiret. Forte non tanta est hypothesium in re medica dignitas, ut in eligendis abstrusis causarum rationibus operae precium sit curiosum esse: &, si quidem omnes solo probabilitatis gradu differunt, nihil adtinet, an paulo difficiliorem defendas. Quidquid vero in Theoria Tua a mea sententia fuerit alienius, id omne, pro eruditione Tua, Te tutaturum confido. Potest enim erudita tractatio etiam ea saepe commendare, quae propria indole infirmiora viderentur. Vale.





A. Ω.

## PROOEMIUM.

**Q**uum ad dissertationem Academicam, quae sit speciminis loco, conscribendam animum adpelleremus, initio quidem haesitavimus, qua in re versaretur industria nostra. Haud facilis enim est in tot ac tam grauibus, quibus scientia medica praecellere solet, thematibus electio. Tandem in illustrem illam de febris materiam incidimus, ac quia huius morbi variae sunt species, de *quartana* eaque *intermittente* agere apud nos constituimus. Non nescimus, multos doctissimos omnique laude nostra maiores medicos in eodem labore desudasse, e quorum numero Duum viros Illustres non possumus quin commemoremus, Illustrem inquam *Wedelium*, academiae patriae nostrae

A strae



strae medicum principem, in dissertatione academica de feбри quartana; & Paul. Gottlob. *Werlhofium* Serenissimi ac Potentissimi Magnae Britanniae Regis Archiatrum Excellentissimum, cuius *observationes de Febribus, praecipue intermittentibus*, omnem ferent aetatem. Tantorum et aliorum Virorum vestigia legere, tantum abest ut a nostri muneris ratione abhorreat, ut potius cum eodem idem convenire probe intelligamus: & quoniam ipse Medicus Regius libro excitato eruditissimo pag. 272. ingenue fatetur, aetiologiam febrium (in genere) inter arcana naturae miracula ad huc reponendam esse, quis est qui tanta in re ingenii vires periclitari vituperet. Periclitari inquam. In magnis enim & voluisse sat est. Age igitur, & ipsum negotium adgrediamur, in quo pertractando principia Celeberrimi ac Illustris *Hambergeri*, praceptoris nostri aeternum deueniendi, nos secuturos fore, id vero est quod publice profiteri necessarium duximus.

### §. I.

**M**orbus intemperiei calidae uniuersalis, à fermento salino sulphureo rarefacto & inaequali proveniens, aliaque symptomata efficiens, dicitur febris in genere.



(3)

§. II.

Febres dividuntur in intermittentes & continuas, continuas febres dividuntur in acutas, peracutas & acutissimas, & in lentas atque hecticas.

§. III.

Intermittentes sunt Quotidianae, Tertianae & Quartanae, de vltima intermittente febre hic agere eamque definire placet.

§. IV.

Itaque *Febris quartana intermittens* est quae post 11L. horas, hinc quarto die, intercalaribus integris binis diebus, recurrit, a fermento acido seroso atque bilioso, per dicta intervalla ad sanguinem accedente, proveniens.

§. V.

Originem ducit ex visceribus sanguinem depurantibus obstructis, v.g. ex hepate, liene, & glandulis mesenterii. Debetur autem obstructio particulis tartareis



pituitosis viscidis & lentis, in Massa sanguinea accumulatis, & debilitati fibrarum viscerum dictorum.

### §. VI.

Causae huius febris mediatae remotiores sunt sex res non naturales, ut aer, cibus & potus, quies & motus, somnus & vigiliae, excreta & retenta, animi pathemata. Quomodo ex his peccantibus nascatur febris in sequentibus exponemus.

### §. VII.

Aer peccat frigiditate, qua calorem nostri corporis imminuit, & hinc immediate sequitur imminutio transpirationis insensibilis, tunc particulae salino sulphureae & serosae, quae per transpirationem fecerni debebant, retinentur, & hinc motus sanguinis tardior fit, cohaesio in singulis partibus maior, constringuntur & angustantur vasa, praecipue extrema, ex his sequitur stasis, & facile oriri potest obstructio. Humiditate etiam peccat impeditione transpirationis insensibilis &c., ob partes eius crassiores eminentes.



## §. VIII.

Cibi craffi nocent tanquam corpora cruda, vel in primis viis vel in massa sanguinea, hinc facile possunt vasa lactea & alia obstrui, ob visciditatem & magnitudinem eorum partium. Cibi viscidi peccant obstruendo vasa lactea, & poros glandularum intestinalium & mesenterii, sunt autem: caro fumo indurata vel sale macerata, panis furfuraceus, vel non satis vel nimis fermentatus, pisces aliqui, vt carpiones, gelatina ossium, tendines carniū, ostreae, turundulae, similia.

## §. IX.

Potus spirituosus i. e. sulphureus & acris, vt, spiritus vini simplicis abusus, calorem quidem & motum majorem in massa sanguinea gignit, salium tamen actionem, hinc seri fusionem, impedit. Potus frigidus vi constrictionis vasorum, & quia exinde facile stasis & deinde obstructio oriri potest, etiam nocet.

## §. X.

Motus si sit excedens, in primis post coenam, exagitat massam sanguineam, vasa & fibras extendit, calo-



rem auget, dissipat spiritus, & ex dissipatione feri fit cohaesio major partium in massa sanguinea haerentium ergo oritur visciditas. Ex dissipatione spirituum autem, spiritus, qui ad concoctionem ciborum destinati erant, destituuntur, hinc cibi non sufficienter coquuntur, & ob motum majorem ventriculi, cibi non satis resoluti evacuantur in intestina tenuia, hinc ea praestant quae (§. VIII.) dicta sunt.

### §. XI.

Ex quiete nimia oritur serum viscidum, pituitosum, tartareum atque salinum, appetitus imminuitur, digestio non rite absolvitur, fibrae relaxantur, & tunc secretiones & excretiones non rite absoluntur.

### §. XII.

Somnus quoque nimius omnia praestabit, & praefertim in majori gradu, quae in §. antecedenti dicta fuerunt. Vigiliae nimiae autem, quia defectus feri & spirituum exinde sequuntur etiam visciditatem faciunt.



## §. XIII.

Quando haemorrhoides & menses supprimuntur, hanc febrem fuisse natam a medicis observatum est.

## §. XIV.

Adfectus animi vehementiores, ut gaudium ira &c. pro diverso gradu item praestant, quod motus atque vigiliae (§. X-XII.).

## §. XV.

Ex his causis omnibus facile videmus, quod & quomodo oriri possit viscidum cum acido bilioso mixtum; porro cacochymia biliosa, atrabilaria, labes ut plurimum visceris alicujus, ut *hepatitis*, *pancreatis*, *lienitis*, vel infarctus, & obstructio harum partium, cruditates acidae, viscidae, fermentales &c., ex quibus deducitur causa mediata proximor.

## §. XVI.

Adfectus hypochondriacus & inprimis Scorbutus, febris quotidiana & tertiana non rite tractata, aliaeque febres erraticae, tanquam causae praeternaturales considerantur.

## §. XVII.



## §. XVII.

Quartana est vel *simplex* vel *composita*: de simplici iudicatu haud est difficile; composita dicitur quando non uno & simplici paroxysmo, sed duplici aut triplici vice periodus absolvitur. Contingit enim ut ager uno die sit immunis a febre & diebus sequentibus patiatur paroxysmos singulos, atque tunc dicitur quartana duplex. Quin & contingit ut quotidie novus recurrat paroxysmus, hoc tamen ordine, ut primus in proportionem durationis afflictionis, & symptomatum, respondeat quarto, secundus quinto, tertius sexto, quartus septimo, quintus octavo, sextus nono, & sic porro, & tunc dicitur *quartana triplex* de his vid. *celeb. Sylv. L. I. prax. Cap. XXVII. §. 13. sqq.*

## §. XVIII.

Deinde aut *legitime* se habet haec febris, quae exactius, quam ullum aliud febrium genus, horis pomeridianis recursus terminum servat; aut notha observatur, si contra non est certum reditus tempus, sed plerumque ante meridiem venit, aestus quoque impensior frigus gravius sequitur.

## §. XIX.



## §. XIX.

Et porro est vel *Continua*, vel *Epidemia*, vel *Endemia*. In continuis paroxysmus ordinarie quarto die venit, sed hoc discrimine, ut aegri diebus intercalaribus mitiori paroxysmo symptomatibusque infestentur

## §. XX.

Epidemiae grassari solent in singulis fere annis, & sive vitio aëris, sive vitio alimentorum, contrahuntur. Conf. celeberr. *Werlhof. de febr. p. 9. §. 3.*

## §. XXI.

Endemiae in diversis regionibus, praecipue in locis septentrionalibus, nempe in Pomerania, Westphalia &c. frequentes inveniuntur.

## §. XXII.

Facile quidem, ut §. XVII. dictum est, dignosci potest quartana intermittens simplex, sed ut ordinem observemus, totam hujus febris periodum describamus oportet. Scilicet in principio est perceptio oscitationis & pandiculationis, capitis, dorsi,



& lumborum contusivus dolor accedit, quin & lassitudo artuum uniuersalis, & non raro inquietudo corporis. Refrigescentia manuum atque pedum sequitur, palleſcentia corporis uniuersi, livorque faciei & unguium; & tunc superuenit horror & corporis quaedam refrigeratio, quae ſucceſſive creſcit, & vt plurimum ad horas duas vel tres durat, quae refrigeratio, quod bene notandum, ſaevior aut ſaltem perceptibilior eſt in regione lumbari, ita vt in dorſo ſurſum & deorſum repere videatur. Calor accedit minus vrens, ſatis tamen ariditate moleſtus, per horas quinque vel ſex circiter durans. Ceſſare paroxyſmus ſolet ſudore, ſed non ſemper. Pulsus in frigoris praeſentia debilior, inaequalis, varians. Urina in principio tenuis, poſtmodum tartarea atque tineta. Adpetitus ante & poſt paroxyſmum aliquando maior, aliquando minor, apud ſingulos vero in paroxyſmo conatus vomendi obtinet. Paroxyſmus ipſe binis diebus poſt redit.

### §. XXIII.

Diuus ſenex HIPPOCRATES \* generalem praedictionem proponit L. I. Epid. Sect 31. 4.  
 ἀσφαλέστατος δὲ πάντων καὶ ῥῆϊστος καὶ μακρότατος ὁ τεταρτάτος  
*ſecuriſſima omnium placidiſſima ac longiſſima*  
 quar-



(II)

*quartana.* Ex quibus concludi potest, Hippocratem hoc loco quartanam exquisitam intelligere, quae viscera sana invenit & relinquit.

\* *Cont. Illustrem Werthof. de febribus pag. m. 15. vbi ex Campanellae medicinal. L. II. c. 7. art. 4. sequentia adducit verba: Quartana intermittens habetur pro tutissima, febrium quamvis longissima. Contingit tamen plerumque, ob tot febriles circuitus, habitus hecticus, & cum lien scirrhum ob hanc febrem incurrit, aut canerosam dispositionem, lethalis est, & saepe hydropem adfert.*

§. XXIV.

Quartana igitur omnium febrium intermittentium tutissima existimatur, propter longa intervalla, praesertim quae nondum diu duravit, & sola est, neque vel ab errore diaetae, vel a medicamento male adplicato, turbata est. Inconstans in typo ut plurimum motu veluti critico curatur.

§. XXV.

Quartana \* Aestiva rarissima, brevior est autumnali, quae ut plurimum invenitur, hac de re hic morbus a nonnullis autumnalis nominatur: Haec febris per plures septimanas immo menses & annos durat, ratione gradus viscerum vel majoris vel minoris, facileque revertitur, licet abiisse putetur.

\* *De quartanis hibernis in morbos acutos transeuntibus vid. Illustr. Archiatrum Regium Werthofium de febr. Sect. 1. §. 4. p. 15. 19.*



## §. XXVI.

Si in quartana intermissione diebus appetitus constet, bonum, si autem deficiat, malum est signum, & raro tales evadere asserit *Hoeferus* in *Hercul. med.* p. 293.

## §. XXVII.

Respectu modi eventus, plerumque per vomitum, vbi plurimi crudi humores in ventriculo haerentes rejiciuntur, abit. Aliquando motu critico solvitur sudoribus, vrinisque crassis, nigris, menstuis aut haemorrhoidibus fluentibus, haemorrhagia narium, abscessu in crura. Aliquando, si sit male curata, transmutatur in continuam; si inveniat viscera obstructa, aut si haec in destructione, in hydropem, hecticamque abit. Icterus in quartana salutarem ante septimum supervenientem paroxysmum observavit *Bartholinus Cent.* 3.

## §. XXVIII.

Quum autem omnis curatio rationalis teste *Galen.* l. 2. *method. med.* 6. 7. *Indicationum methodo* absolvatur, & sine ea medicus gratiosum aegro auxilium cito tuto atque jucunde nequaquam ferre possit; de ea etiam erimus solliciti, eamque constituemus in proximis sequentibus.



## §. XXIX.

Indicatio igitur consistit 1) vt materia viscida & biliosa in primis viis resolvatur atque removeatur. 2) vt acidum temperetur, obstructionsque viscerum quae adsunt expediantur. 3) vt causae foventes corrigantur & symptomata vrgentia removeantur.

## §. XXX.

Resolvunt salina implicita, vt amara, quae etiam roborant; vt, rad. trifol. fibr. gentian. tertianar. serpent. virgin. cichor. plantag. HB. absinth. C. B. centaur. min. summit. cent. min. cort. chin. de chin. de cuius usu vid. celeberr. *Ettmullerum & Werlhofium*, cort. cappar. lign. Colubr. & cort. chacarill. vid. illustr. senem *Hoffmann. de febr. intermitt. in T. IV.*, vt & infusa & decocta ex his parata.

## §. XXXI.

Resolvunt iterum salia explicita media, scilicet sal absint th. card. bened. centaur. min. febrifugum *Mynsichti, Sylvi*, arcan. tartari, tartar. vitriolat. tartarus tartarifat. arcan. duplicat.

## §. XXXII.

Evacuant vomitoria atque purgantia, vt rad. Ipecacuanh. gialap. cremor. tartar. & etiam decocta;



vt decoct. fol. fenn. salia amara, vt sal sedlicens. salia acidular. pilul. de ammon. de gummat. Sylv. tartareae *Wedelii & Quercetani &c.*

### §. XXXIII.

Indicationi secundae satisfaciunt diluentia & acrimoniam obtundentia, vt decoct. rad. chin. scorzoner. hord. cortic. citr. passul. minor. item serum lactis dulc. Obtundunt acrimoniam bezoard. atque terrea, vt antimon. diaph. perl. corall. lap. cancror. conch. matr. perl. tartarus vitriolat. arcanum duplicat. pulvis rhabarb. terra foliat. item martialia, vt tinctur. mart. *Zwoelfferi*, cydoniat, helleborat, essentia vitrioli mart. *Ludovici*.

### §. XXXIV.

Resolvunt etiam salina volatilia & oleosa, vt spiritus salis ammoniaci urinosus vel essentiae: mari veri roris mar. Tinctura bezoard. species aromat. sal volatilis *Sylvii*, olea destill. vt cinnamom. caryophyll. &c.

### §. XXXV.

Tertiae indicationi insistent aperientia atque antiscor-



tiscorbutica , vt pulveres praeparati ex conchis praep. matr. perl. praep. lapid. cancror. pulv. absorbens *Wedelii*, anticacheet. *Quercetani*, salia alcalia fixa & volatilia, arcanum tartari, mixtura antiscorbut. Quando in sinistro hypochondrio dolor accedit, Emplastra adhibenda sunt, vt Emplastr. diachyl. saponat. *Barbetti*, camphorat & alia.

### §. XXXVI.

Quartana autumnali tempore facile redire solet, vt ne recurrat est praecavendum. Optimum medicamen tum nobis proposuit magnus ille *Celsus* libr. III. Cap. XVI. ubi inquit, *si febris quievit diu meminisse ejus diei convenit, eoque vitare frigus, calorem, cruditatem, lassitudinem; facile enim revertitur nisi a sano aliquando timetur.* Hinc avertere possumus vitando ventos septentrionales, aerem frigidum & humidum, locaque paludosa, conservando transpirationem insensibilem, corpusque aperiendo & evacuando,

### §. XXXVII.

Tandem ad Diaetae ordinationem compellimur, cuius necessitatem Galenus indicat; *frustra enim*  
in



*inquit, optima illis medicamenta praescribuntur  
qui dietam servare aut nolunt aut non possunt.*

### §. XXXVIII.

In hoc morbo ita Dietam praescribemus, nempe aer temperate calidus eligatur, vitetur frigidus, vliginosus, crassus, & nebulosus, somnus & vigiliae sint mediocres; cibi sint boni succi & facilis coctionis, vitandi sunt crassi, acidi, viscidi & flatulenti, potus temperatus sufficiens utilis est, ut cerevisia bene cocta probeque defaecata, cui simul herbae, ut C. B. borrago, aut lingua cervina fuere inditae; alvus aperta teneatur, animi pathemata, ut tristitia, moeror, ira & similia absint.

F I N I S.

